



## Sindikat Granične policije BiH Синдикат Граничне полиције БиХ

Broj: 837/23

Datum: 04.12.2023. godine

**Predmet:** Informacija za članstvo Sindikata Granične policije BiH, dostavlja se :-

Ovom prilikom obavještavamo članstvo Sindikata GP BiH o provedenim aktivnostima od strane Sindikata GP BiH, kao i o predstojećim aktivnostima.

Osnivanjem Sindikata GP BiH, kao samostalnog sindikata programski ciljevi bazirani su na zaštiti prava članova i osiguranju sindikalnih potreba. Jedan od aspekata jeste izmjena i uređenje legislative u cilju poboljšanja radno-pravnog i socijalno - ekonomskog statusa zaposlenih u GP BiH.

Obzirom na činjenicu da SGP BiH svojim osnivanjem nije bio reprezentativan i nije mogao direktno da učestvuje u pregovorima „rodila“ se ideja da se osnuje Savez sindikata policijskih organa u BiH, koji bi kao reprezentativan mogao da doprinese boljitku i poboljšanju radno pravnog statusa, ali i ostalih segmenata na koje Sindikat može da utiče.

Osnivanjem Saveza sindikata policijskih organa u BiH, kojeg čine sindikati Granične policije BiH, Državne agencije za istrage i zaštitu (SIPA) i Direkcije za koordinaciju policijskih tijela BiH (DKPT), ispunjeni su uslovi za reprezentativnost, a time i mogućnost pregovara sa poslodavcem, Vijećem ministara BiH, što je našu pozicija kao Sindikata GP BiH znatno ojačano.

Zahvaljujući naporu i Savezu sindikata policijskih organa u BiH, 2017. godine usvojen je prijedlog izjednačavanja koeficijenata policijskih službenika sa koeficijentima zaposlenika i državnih službenika. Nakon toga članovi Sindikata koji čine Savez su postali nezaobilazan faktor prilikom donošenja pojedinih zakonskih i podzakonskih akata.

Kao takvo možemo navesti Pravilnik o policijskoj uniformi policijskih agencija na državnom nivou. Predmetni pravilnik je ispunio sva očekivanja policijskih službenika i predmetni Pravilnik je usvojen krajem 2017. godine, ali je poslije dugog vremena čuvanja u ladicama objavljen u Sl. glasniku sredinom 2024 godine nakon mnogobrojnih pritisaka da se isti objavi.

Zbog lošeg ekonomsko socijalnog stausa i stagnacije plata punih 12 godina od strane Saveza i članica sindikata u tri navrata su organizovani protesti:

Ispred Parlamentarne skupštine BiH dana 17.03.2021. godine održan je miran protest, na kojem je iskazano nezadovoljstvo usvajanjem budžeta BiH, te je zatraženo vraćanje osnovice za obračun plata na nivo iz 2012. godine.

Ispred zgrade Predsjedništva BiH dana 28.03.2021. godine, uz poštivanje epidemioloških mjera, Sindikat Granične policije BiH u organizaciji Saveza sindikata policijskih organa u BiH je učestvovao u mirnim protestima, tom prilikom je ukazano na loš socijalno - ekonomski status uposlenih, te na uslove rada i uniforme policijskih službenika.

---

Sarajevo; 71000 Sarajevo;Ul. Reuфа Mухића 2A; Telefon/fax: 033 755 345;755-349, e-mail:sindikat@granpol.gov.ba  
Срајево; 71000 Сарајево;Ул. Реуфа Мухића 2А; Телефон/фах: 033 755 345;755-349, e-mail: sindikat@granpol.gov.ba

Ispred Parlamentarne skupštine BiH dana 16.05.2022. godine održan je miran protest u organizaciji Saveza sindikata policijskih organa u BiH, na kojem je iskazano nezadovoljstvo zbog narušene materijalno - finansijske situacije i vraćanjem osnovice za obračun plata na nivo 2012. godine, kao i odnosom predstavnika vlasti prema uposlenim u policijskim Agencijama na nivou BiH.

Napokon, 2022. godine, nakon mukotrpane borbe i zalaganja svih sindikata u okviru Saveza, usvojen je Zakon o izmjenama Zakona o platama i naknadama u institucijama BiH, povećan topli obrok, a nakon toga usvojena je i odluka kojom se svim zaposlenim u institucijama BiH do određenog zvanja i policijskim službenicima do čina viši inspektor povećani koeficijenti za 0,2.

Nakon zahtjeva reprezentativnih sindikata u institucijama BiH, uz veliko učešće Saveza sindikata policijskih organa BiH, 30.03.2022. godine Vijeće ministara BiH je donijelo Odluku o visini osnovice za obračun plaća zaposlenim u institucijama BiH za 2022. godinu u iznosu od 535,00 KM, kao i povećanje naknade za prevoz.

Na osnovu zahtjeva sindikata isplaćena je i jednokratna pomoć u iznosu od 500 KM.

Takođe, nakon zahtjeva reprezentativnih sindikata u institucijama BiH, kojih je SGP BiH dio, dana 15.03.2023. godine, Vijeće ministara BiH je donijelo Odluku o visini osnovice za obračun plaća zaposlenim u institucijama BiH za 2023. godinu u iznosu od 600,00 KM, te odluku o visini regresa za godišnji odmor u iznosu od 450 KM.

U okviru Saveza sindikata policijskih organa u BiH, Sindikat GP BiH učestvuje u prijedlozima koje su vezane za potpisivanje kolektivnog ugovora, kojom prilikom je Upravni odbor Sindikata GP BiH dao punu podršku u nastojanjima oko potpisivanja kolektivnog ugovora i izmjena i dopuna Zakona o policijskim službenicima BiH.

U vezi izmjene Zakona o policijskim službenicima, usvojena je Odluka da se prema relevantnim faktorima na nivou BiH uputi inicijativa koja se odnosi na izmjene i dopune navedenog Zakona u dijelu na produžetak radnog staža na dobrovoljnoj osnovi za one policijske službenike koji ostvare pravo na penziju, vezano za problematiku nedostatka policijskih službenika u GP BiH, kao i da se doda član Zakona koji se odnosi na najbolji petogodišnji prosjek prilikom penzionisanja za sve policijske službenike zaposlene na nivou Ministarstva sigurnosti, čime bi se riješila ova problematika za policijske službenike sa prebivalištem u Republici Srpskoj i učvrstila prava za sve policijske službenike. Usvojena je inicijativa da se prema Savezu sindikata policijskih organa u BiH uputi akt koji je vezan za izmjene Pravilnika o nagradama gdje bi se preciziralo da se na dobrovoljnoj osnovi za one policijske službenike koji izraze želju, izvrši dodjela službenih pištolja kojima su bili zaduženi.

Posebno možemo navesti vrijeme Pandemije Covid gdje je Sindikat GP BiH prvi pritekao u pomoć, kada je od većeg broja donatora i iz vlastitih sredstava prikupio određenu količinu zaštitnih sredstava (maske, dezinfekcije, rukavice i sl. ), te podnošenjem određenih prijedloga pomogao na zaštiti zdravlja svim zaposlenim bez obzira da li su članovi sindikata ili ne.

Osim toga od strane Sindikata pokrenuto je više humanitarnih akcija kako u vezi sa zaposlenim u GP BiH, tako i katastrofalnih zamljotresa koji su pogodili Tursku i Siriju, kao i R. Hrvatsku.

Konstantan zahtjev sindikata jeste da se plaća višak sati ostvaren prekovremenim radnim satima u skladu sa aktima koji propisuju ovu oblast.

Pored provedenih i planiranih aktivnosti Sindikat GP BiH u kontinuitetu vodi brigu o svome članstvu, po pitanju jednokratnih novčanih pomoći, dodjeli jednokratnih novčanih pomoći povodom Dana žena, dodjeli novogodišnjih paketića djeci članova itd.

Formiranjem je kasa uzajamne pomoći iz koje članovi SGP BiH i kase ostvaruju pravo na beskamatne pozajmice u skladu sa pravilnikom koji reguliše ovu oblast.

Potpisani su ugovori sa osiguravajućim kućama gdje su članovi SGP BiH osigurani 24 sata, te se svim članovima dodjeljuju članske kartice kako bi se uz iste ostvarile kupovine određenih proizvoda na rate sa onim firmama sa kojima SGP BiH ima potpisan ugovor.

Takođe, našim kolegama i članovima koji ostvare pravo na penziju istima se dodjeljuju pokloni, te se organizuju svečanosti u okviru SGP BiH kako bi se navedeni pokloni uručili istima.

Sindikat je ostvario kontakte što na lokalnom, tako i na regionalnom i međunarodnom nivou, te je tom prilikom stekao značajna iskustva koja primjenjuju Sindikati iz zemalja regije i okruženja.

Zbog svega navedenog rukovodstvo Sindikata GP BiH u skorije vrijeme planira posjetiti Podružnice na terenu, kojom prilikom bi na licu mjesta sagledali stanje, potrebe i uslove rada.

U cilju efikasnijeg djelovanja Sindikata neophodno je da se kroz omasovljavanje članstva i kroz Savez sindikata policijskih organa u BiH, koji je jedini reprezentativan i u poziciji da razgovara sa poslodavcem, težimo ostvarivanju svojih prava.

S poštovanjem



Predsjednik Upravnog odbora SGP BiH

Dragan Matović